

Nanzningz Swfhfan Dayoz Gawjhengz Gaiq Daih'it Singsang Doeg Vahcuengh Doxdax

Ndwen 12 ngoenz 2 banhaemh, Nanzningz Swfhfan Dayoz gaiq daih'it singsang doeg Vahcuengh doxdax youq cangzgangh yaugih gawjhengz.

Baez doxdax neix faen miz Vahcuengh vahdeihfueng caeuq Vahcuengh byauhcuinj song cuj, miz gag doeg, hix miz lai vunz caezdoeg. Bingzvej yienhciengz daj faensoq baizmingz. Doxdax yienhciengz gyoengq senjsouj cungj daenj buhvaq Bouxcuengh, doxlwnz hwnjdaiz doeg Sawcuengh, gyoengqde yungh Vahcuengh byauhcuinj caeuq vahdeihfueng, doeg ndaej miz cingz youh miz yinx, hawj gyoengq boux bingzvej caeuq boux daeuj yawj cungj roxnyinh daengz gij yinxdaeuz Vahcuengh. Doxdax sat le, aen hezvei vwnzva Bouxcuengh aen hagdangz neix lij yienj diuq foux faexsoux hawj daihguya yawj dem.

Baez doxdax neix, ndaej hawj gyoengq hagseng engq rox Vahcuengh caeuq vwnzva swhgeij, hix doiq hag ndei Vahcuengh engq miz sim, doengzseiz doenggvaq doxdax yawj gyoengq doengzhag bingzseiz hag ndaej baenzlawz yiengh.

(Cwngz Danhyingj Cinz Meijyah Sung Ciuhlinz Loz Yungj Fanz Yijsuij/成丹颖 覃美嘉 宋秋霖 罗永 樊雨水)



▲Baez hozdung neix miz haujlai vunz daeuj camgya.

Liujcouh: Gwnz Daiz Doxdax Fwen Ciengqgok Guek Fapceih

Ndwen 12 ngoenz 5, "eu fwen ciengq fapguk fapceih lwenq Gvangjsih" bi 2019 Gvangjsih gaiq nduj fwen bae bujfaz hozdung nem Gvangjsih Gveicouh Yinznanz Huznanz eu fwen bujfaz doxdax youq Gvangjsih Liujcouh Si Yungzsuij Myauzcuz Swciyen Minzcuz Dijyuz Gunghyenz banh. 50 lai boux fwen-vuengz caeuq cangh-fwen Gvangjsih、Gveicouh、Yinznanz、Huznanz, caemh daiz doxdax, ciengqgok eifap guenj guek, yinx ndaej haujlai bouxgyaezmaij fwen daeuj dingq fwen. Baez hozdung neix dwg Gvangjsih Bouxcuengh Swcigih Swhfazdingh、Vwnzva Caeuq Lijyouzdingh cawjbanh.



▲Canghfwen hwnj daiz doxdax.

(Liu Swjyenh/廖子渊)

Ningzmingz: Lwgnyez Doxdax Baij Dungxcaiz



▲Lwgnyez hwnj daiz diuqfoux.

coj Si gaiq nduj lwgnyez dungxcaiz doxdax daj ndwen 11 ngoenz 30 daengz ndwen 12 ngoenz 14 youq Ningzmingz Yen Gyanghbinh Vwnzva Gvangjcanz banh, doxdax faen loih ciengqgo、gyong laz gimz yienz、diuqfoux, gonqlaeng ginggvaq baenz gyoengq genjleh doxdax、cib ak doxdax caeuq gietsaiq sam duenh. Ndawde camgya loih ciengqgo、gyong laz gimz yienz baenz gyoengq genjleh doxdax miz 74 boux, camgya diuqfoux baenz gyoengq genjleh doxdax cezmuz miz 33 aen. Lwgnyez dungxcaiz doxdax youq mwh hawj bouxyawj gvaq yinx doengzseiz, hix langhbaij gij cingzgoj lwgnyez yisuz gyauyuz seizgeiz moq hawj ndawbiengz.

(Couh Yizangh Loz Sienghyinz/周贻刚 罗湘云)



▲Vunzlai Dungcuз ciengq gobizbaz Dungcuз hawj bouxhek dingq.

Sanhgyangh:

Gingjih Bienq Yienghsiengq Moqsag Yinx Hek Daeuj

Ndwen 12 ngoenz 5, Gvangjsih Lijyouz Hwngfat Cizdonz youq Sanhgyangh Dungcuз Swciyen Linzhil Cin Cwngzyangz Bazcai Gingjih banh aen yizsi hainduj cingqsik haidou Cwngzyangz Bazcai Gingjih daezswng hanghmoeg guhbaenz. Cwngzyangz Bazcai Gingjih daezswng hanghmoeg dwg youz Gvangjsih Lijyouz Hwngfat Cizdonz guh gviveh bued cienz hwnjguh, baugvat hwnjguh moq aen dieg fugsae h namz、baek、gyang caeuq daezswng gaijcauh dieg haedsim Cwngzyangz Bazcai Gingjih, cungjsiq najdieg daih'iek 4.7 fanh bingzfuengmij, dajveh bued cienz 5.77 ik maenz, seizneix guhsat bued cienz 3 ik maenz, Cwngzyangz Bazcai Gingjih comz daejniemh minzcuz vwnzva nyuenzmiz、lijyouz yawj gingjsaek、youqndwi gvaq ngoenzgyaj daengj goengnaengz youq itheij haenx yienghsiengq moqsag. Ngoenzhaenx, yienhciengz yinx ndaej haujlai bouxhek daeuj yawj gingjsaek guhcaemz.

(Vuz Lenyinh/吴练勋)